



12354

世經堂集卷之十六

墓誌銘二

湖廣左叅政龍津黃君墓誌銘

往予在延平所與遊者兩人君及諫議劔溪鄭君是也鄭君爲人慷慨尚志節而君冲夷簡遠有翛然之度兩人者其氣味不相類然皆與予好也其後予督學江西鄭君卒今予幸登朝而君以嘉靖丁未二月七日年六十五卒自予去延平至於今十四年耳而兩人者相繼淪沒夫兩人者予所冀以爲且復用者也而皆已不可作予寧能無泫然哉君諱煒字子

世經堂集

卷十六

一

昭龍津其號延平之南平人其世系具予所爲君考貞孝先生表中君生三十年舉正德甲戌進士拜南京禮部精膳主事滿三載封貞孝如其官母胡太安人迎養之官邸已卯寧庶人叛謀言將犯金陵勢張甚君入再拜言曰見有官賊至當死大人其行矣於是家人盡哭君終不色變辛巳遷儀制郎中貴人子入太學後期繫治之如法嘉靖癸未遷知永州州人惰不事耕作其親死輒破產餽僧及無以葬則舉而委諸野尤恥貧賤苟貧賤矣女子雖已字舍之他適苟貴富有氣力卽往往奪人妻君至痛繩之以絕故

事有司用兵九溪諸蠻費皆自民出而郡有鹽引錢率給私使君悉歛貯之曰以是供軍饗後遂不敢有盜鹽引錢者九疑相傳有舜塚爲置祀田設守者二人作濂溪先生祠闢東山書院聚博士弟子教之又廩孝子楊成章貢之州人以是知學庚寅遷湖廣左叅政會其使病君攝事再踰月名聲出使上入咸望君爲真而君素不能飾言貌以悅於世數曰吾幸有親在得歸效一日之養足矣壬辰遂致其事葺觀物園奉親讀書其間朋舊過從破崖岸與之接及有所請屬輒拂衣而起蓋予與君遊三年未嘗見君言之

及私也予是以敬君而往來於觀物益習君亦不予鄙遺其諸子前後受學焉今其丰神面目猶宛然見之而身則旣卒且葬矣君平生喜爲詩文所著有尊美堂政錄五卷修來編 卷中庸讀法 卷貽光堂集 卷葬以某年某月某日墓在其山之原子男三應春配鄧安人出應林應詔側室孫出皆庠生女二長出鄧安人嫁庠生楊繼周次出側室張尙幼孫男二期升明鼎女四君將卒顧言曰必請少湖子銘嗚呼君固以予爲知己可託以不朽也夫銘曰

嗟嗟黃君遂葬此玉毀劔埋誰實使吾儕海內凡有

幾十四年間兩人死由今準後可知矣我諾銘君悲
曷已

明故大名府判鶴沙張公墓誌銘

公張姓諱 字 別號鶴沙其先自揚州再徙華亭
之龜蛇里華亭於天下爲望邑故家大族往往而是
而張爲最著當成化弘治間張姓凡兩尚書公盖太
子少保南京兵部尚書叅贊機務贈太子太保謚莊
懿諱鎰之孫而淮府紀善贈都察院右副都御史貞
孝先生諱璠之曾孫也初莊懿廕其子景入太學景
素高不樂仕 詔授福寧州判而以廕公正德庚辰

世經堂集

卷十六

三

需次得都察院檢校遭母顧孺人憂服除改刑部公
旣出名卿後其爲人又特儉朴被服飲食至與儒素
等由是大司寇靜菴胡公以爲賢其禮待過於世所
謂智能者久之遷刑部照磨 國家之制刑部都察
院實掌天下刑獄公居常寡言然聞有冤輒爲之白
一時諸君子率皆諒公多平反者乃其人固不知也
嘉靖乙未奉使廣之東西守土吏以故事致舟車費
盡却去之道遷大名通判黃河自開封溢而北決則
大名當其衝歲費修堤錢若干而有司率爲具文道
責至私其贏以自利公乃獨否部使者亟奏旌之居

三年

上狩於承天中貴人怙勢奴視諸吏公歎曰吾豈能以升斗祿受挫辱爲先人羞中貴人怒誣以缺上供事下御史公于時薄仕進不力辯遂詔致其事乙巳九月二十九日得疾卒壽六十八矣配朱氏尚書疎溪公女初尚書以通家子擇壻得公及公且娶而莊懿父子皆已卒因贅公於家公亦德尚書畱事之二十年晚始出而仕然其受於朱獨宅一區耳故人以爲廉子男三朝封邑庠生朝桂國子生某尙幼女四長適千戶顧朝次林政次爲階妻淑人又次適上海學生董容大孫男六震伯府學生仲謙領應天丙午鄉薦觀叔府學生季履某某皆習舉子業孫女一許嫁工部員外郎范君子某曾孫男四重一重不重宜重文曾孫女一葬以戊申某月某日墓在某處維公仕雖不達然其生爲善人爲循吏上克世其家而下克啓其後人其可銘也已銘曰

張氏厥初紀善發聞尚書拓之爰及公身公德長者宜達而屯蓄其休祥以畀後昆紀善於張如木有根公維其幹枝乃其孫維枝之榮維幹是因維根之沃維幹實承嗟公之功其孰與倫我銘于幽以詔弗泯

貴州按察副使閻山馮公墓誌銘

閻山馮公諱某字某臨朐人也少孤育於叔祖母池氏及爲諸生池卒爲持三年喪有司就辟之至再三不赴其爲學喜誦習朱程之說反求之身心齊魯閻諸宿儒咸自謂不及正德戊辰舉進士出知華亭當是時海內治安士大夫計無以自見則爭爲嚴急或妄取故事更張之公獨恂恂以廉平爲行其有所爲必視民便不便不苟異同邑嘗大水取其通均之士田大吏不悅誣公加賦民交走言狀事竟白猶改知蕭縣蕭故豐碭之區俗獷悍尙豪俠又新被兵公厚

世經堂集

卷十六

五

撫之其強者得不去爲盜賊弱者以不饑死遷晉州知州黃河自城北徙而南北地日瘠而賦乃視南高公更其額民大悅遷南京戶部員外郎督儲中都留守中貴人素驕公不爲下中貴人怒陰伺公踰年無所得乃已稍遷郎中久之遷平涼知府以赴官後期改知石阡凱播酋相攻擊爲正疆界計所殺傷償之如其俗卽其日不復爲亂遷貴州按察副使飭兵威清土酋龍里死其兄侵之里妻率其衆據險以禦兵各數萬人遠近震恐公單車往諭皆散去嘗視司篆熟苗犯程番議者奮欲用師公徐曰無以爲也遣斷

事其撫之遂定在咸清三年忠信惠愛孚於其人然
公於財廉無書問以遺貴近又不能飾言貌爲好說
故當塗之士乃鮮知公者嘉靖甲午披論致其事公
聞怡然曰吾仕宦三十年數脫奇禍今得老牖下足
矣居家不一問生產厚薄與鄉人處和以介召之歎
輒徃徃輒爲盡醉或以私請則辭性喜爲詩晚與諸
名士結詩社其所倡和傳於人多至數百首乙巳六
月廿四日年六十七卒公之先居臨朐 明興曾大
父某以選戍廣寧至公始復故以其年十一月一日
葬臨朐洋溪之側大父某父某贈奉直大夫南京戶

世經堂集

卷十六

六

部員外郎毋李氏贈宜人配宜人伏子男五惟健戊
子舉人惟重進士官行人卒惟敏丁酉舉人惟訥進
士今爲松江府同知惟直縣學生女三長適廣寧傅
偉衛學生次適濟陽黃有次適益都朱泗孫男五子
益縣學生次子臨子履熊孫又次幼孫女三長適益
都石繼芳縣學生其二亦幼公旣葬而公君與其
伯兄以侍御齊公狀來徵銘予固華亭人自爲兒時
邑父老徃徃爲予言公之政乃今得侍御狀益詳爲
之銘曰

古仕爲人悶悶爾厥

猶名乃爲己以民易官公獨

恥抱貞致一百政理三遷遠徼再左徙吾道非耶世
莫以桐鄉南陽史所美公沒猶存矧有子

明故大中大夫太僕寺卿石溪毛公墓誌銘
公諱渠字公澤別號石溪東萊掖人也父紀以成化
丙午山東鄉試第一人舉丁未進士累官少保兼太
子太保吏部尚書謹身殿大學士卒贈太保謚文簡
母官氏封一品夫人大父敏杭州府學教授曾大父
福英皆以文簡公貴贈少保兼太子太保戶部尚書
武英殿大學士文簡生丈夫子六而公行第四其始
就傳文簡則既顯矣然其往來師友之間徒步布衣

世經堂集

卷十六

七

不異寒素識者奇之嘉靖乙酉與仲兄戶部員外郎
暨同舉于鄉公名復第一明年舉進士改庶吉士而
文簡在內閣士大夫家言文獻之盛必以毛爲稱會
時宰有不樂諸吉士者例補外公於是得工部營繕
主事戊子丁官夫人憂辛卯復除虞衡主事未幾改
禮部儀制主事

天子加恩典禮之臣 賜太學衍義欽天記頌祖德
詩各一帙癸巳遷精膳員外郎以 詔恩進階奉直
大夫封其配劉爲宜人甲午遷祠祭郎中當是時
天子方建

九廟及大內諸宮其儀文規度多出公畫已又奉
皇太后祇謁

陵園有司以無故事相視駭愕公徐取古今諸禮參
酌損益草其儀以上 詔盡從之 莊肅皇后崩或
謂宜殺其禮公獨請如制賴

天子明聖議以不奪皇史窳訖工 詔加俸一等

九廟成遷太常少卿提督四夷館尋以上 兩宮尊

號 賜綵幣己亥改通政司右通政提督詹黃辛丑

遷太僕寺卿公生而習爲文章其所歷官又皆不以
錢穀刑名爲職業及在太僕諸所釐革乃有老吏不

世經堂集

卷十六

八

能逮者故人謂公通才甲辰滿三載陰子延清爲國
子生其秋省文簡於家踰年遂遭文簡喪初官夫人
卒公實以歸省得盡其誠信於送死之事及是復然
人咸歎息以爲孝感而公則以哀毀致疾終喪甫闋
月遂不起丁未十月朔也年五十一耳公爲人坦易
弘博與人處委曲有情味至待昆弟宗族恩禮尤厚
往予入翰林幸及事文簡其後爲祭酒而公子卿進
士延魁復來卒業因獲與公遊長驅方面望之偉然
竊以爲如公者其文章器量姑不論卽其狀貌固世
所謂福人也乃其位與壽僅止此予實惑焉然予觀

自古名臣之後克自樹立不辱其先者寡矣有能以文章取科第與天下士爭長者百人而一也能取科第者寡矣其有至於卿大夫者千萬人而一也公以宰相子繼登朝著官爲卿階爲大中大夫秩爲三品趾美前人垂蔭後來壽雖不遐其亦可無憾矣公卒之明年延魁匄入京師疏乞祭葬

天子念公世臣且所以用之者未竟也特詔如所

請年 月 日遂以 恩命葬公城西祿山之新

阡而請予銘墓予不得辭公生五子延魁最長次延

厚府學生出後戶部君次延清延祀延太女二人俱

世經堂集

卷十六

九

張岐

未嫁所著有石溪子稿若干卷銘曰

崇山巨川珍異所生賢者之後宜公宜卿猗昔毛公授詩漢代迢迢千載聖經是賴施于少保德音不瑕贊襄密勿功在邦家天相厥胤公用繼起重朱累金以佐

天子生有榮遇沒有殊恩其流之餘又被厥孫福則自求善靡不報我銘于幽百世有耀

贈監察御史南溟馮先生墓誌銘

馮先生諱某字某學者稱爲獨齋先生後又稱南溟先生黃之蘄州人也蘄故多巨族而馮氏尤以文學

世相傳有名聲先生曾祖銘父翺皆嘗貢于有司然其仕不幸不至通顯銘爲京衛經歷翺終兗州推官推官父漢以經歷之不過過自懲不仕以卒然馮氏雖不仕乃蘄之人言高衡德門必以馮爲首稱意其後必大先生少而能文章督學使者前後十數輩至輒取所爲文置首選而先生行又甚修數曰君子之學要無媿乎其獨其施於人事依於厚至其自守凜如也其赴人之急若已與有至其平居未嘗有疾言遽色也于是時先生雖在庠序其賢聞四方人則謂馮氏當遂振矣而先生十試於鄉竟不遇復繼其父

以貢入太學祭酒甘泉湛公司業琴溪陳公得其文奇之已又廉知其人益奇之陳公館先生於家使教子若婿而先生賢亦益聞六館之士踵先生門思得聞緒論接容色幸有所警發者屢相接也未幾注選歸踰年喪其父方病時先生終夕侍湯藥而天甚暑其室又迫隘父力遣之先生卽戶外露處閱月由是得濕疾比父沒先生哭又甚哀疾增劇嘉靖辛卯六月十六日父喪甫小祥而卒遺言以素服歛距生成化丁酉九月二十三日得壽五十五蘄之人相與訝曰天之道固不可信乎後五年乙未子天馭舉進

士授大理評事改御史贈先生如其官再奉命董南畿學政遷大理丞諸所與友盡海內名士而士之出其門者亦咸知重行檢薄利祿自別爲午山弟子午山者大理號也於是人爭言曰馮氏之厚積而遲發如此予故與大理遊聞而歎焉今年大理以中丞賈公狀請予銘墓予旣得論次其事則又歎曰嗟乎人之與善豈非其性然哉有不善人於此其於彼非有損也然而聞其用則以爲憂聞其敗則以爲喜有善人於此其於彼未必有益也然而咨嗟於其不遇而幸其後之昌者至於久而猶然蓋予所見聞若是者多也而先生尤著自修者其殆可以勸夫爲再拜而銘之先生子二人長卽大理次國子生天駿女三其二蚤喪存者適生員張儒葬以卒之歲十二月一日墓在安陽山之隅銘曰

世經堂集

卷十六

十一

濟

茲維先生之宮耶其拙於躬者旣賴子以顯融其垂於後者又待予以無窮耶嗚呼先生塞耶通耶彼暫焉者果足以介於中耶

潛夫張先生墓誌銘

萬安之橫塘有處士張姓諱某字某少治舉子業旣有聞矣忽自棄去獨用所讀書爲詩語皆清淡簡遠

人傳爲法相與稱潛夫先生云先生上世蓋楚之湘潭人有爲吉州路總管者始家廬陵之西街而震發藻發兄弟當宋之南相繼以省元薦蔚爲望族元時有號雲樵居士者自廬陵徙萬安之西凍後乃徙橫塘數傳至 國朝生器重器重生博菴博菴娶於蕭凡生五男子而先生行第四最愛於其母年七八母猶抱持之及遣就外傳卽其日囊書去無悲戀不能舍之邑父老以是知其不凡弱冠讀歸去來辭慨然慕古隱君之節視世所謂科第者旣以爲不足爲而其一切靡麗可喜之事尤不以屑意自賓祭外蔬食

布衣怡如也先生性又輕於財歲侵諸積穀者爭爲貴出而先生獨貸或貧不能償輒焚其券鄉人有屢貸不能償者當先生貸時慙不敢往先生召與之粟其人竟不能償亦竟不問張氏自雲樵而後子孫日蕃至不能相識先生首以錢若干倡於族爲合食之堂旣又修橫塘譜若干卷譜成告於祖遂以其族宴而爲之約曰毋陵幼毋傲長富毋驕以嗇施貧毋惰而不立於是族人翕然興於禮義而四方之士時先生之合食奔走來觀亦罔不感動者邑大夫賢先生毋舉鄉飲必虛賓席奉書幣再三以請然先生素

高不樂與縉紳接卒不赴或褒以冠服終其身未嘗服也先生嘗構別業龍山之陽意甚樂之會寇至燬退營居於橫塘其鄰不戒於火又燬人咸以弔乃先生吟笑如平時嗚呼先生之度如此宜其於勢與利漠然無所動也夫先生生景泰壬申八月十一日卒嘉靖甲辰正月十三日享年九十三初娶郭氏繼劉氏生子各二人士新士仰士優士佳仰爲益府典膳優以子貴封監察御史女各一人壻曰蕭遠益

府引禮劉巽孫男十二人敷譽徵徽逐逮雨霆霄霄霽壘雨舉進士出知清豐擢雲南道監察御史與言及

世經堂集

卷十六

三

霆以下皆邑庠生女五人嫁邑人某某邑庠生劉宗武郭相桓曾孫男十四人文震賓寅瑚銳錄鉉恭槩榮棻某某文鎬邑庠生女十二人一嫁鄉進士曾棟一許嫁宗伯南野歐公孫某又一許嫁蕭某又一許嫁司寇淺齋郭公子其餘俱幼先生既卒之四年戊申月日御史君以貴州之節便道葬先生于之原予習與御史君遊而重其才與志故銘先生者予也銘曰

昔漢王符好學有聲不仕著書潛夫是名於維先生抗志高蹈作詩自娛潛夫是號千載之間凡兩潛夫

其世則異其人一不殊孰傳先生請附於符先生其俞
封兵部尚書梅齋翁公墓誌銘

嘉靖己酉秋八月某日封兵部尚書梅齋翁公以疾
卒于家再越月計聞于是時公子東涯司馬新自北
邊歸本兵屬天下重望而公又自以行義著南海之
上故薦紳大夫人人爲悲哀之公之先蓋莆田人有
秀峯隱士雄者來居揭陽之鮑江今遂爲鮑江人秀
峯四傳至義叟奕世積德而義叟尤嗜書好古顯顯
守善爲邑聞人則公考也公諱某字其梅齋其號幼
閎朗翹然思元宗折節就學且成矣屬連遭大喪弗

果卒業獨時時以所學教授鄉里及司馬生而茂異
公喜曰酬吾志者其在茲耶卽膝前爲道古經義司
馬了了迎解則益爲譚說遠大與世俗之所以不足
慕者他日客或過公言顯貴人田宅財利公目司馬
厲聲曰是詎足言耶夫士誦法聖賢見用當世宜表
表有所樹立即事華侈詫閭巷已耳則隴商市賈也
客爲竦然已司馬歷官歸俸于公盡以置義田供祭
祀卹宗黨又購地爲亭朔望率父老讀鄉約其中州
里之爭多就公質成者得片言輒驩然解去歲嘗大
歉有司議賑卹請公主其事公旣賢又益以已貲全

活甚衆明年復歎穀價踊甚公發私粟賤鬻之邑中
富家亦各發其粟價遂平司馬爲中丞分陝使人迎
公公入關令有懷百金爲壽者公從容言曰令賢吾
子當自知毋庸以是自溷也不受竟亦不以語司馬
公固雅飭自好又容止楚楚傾道上所過士大夫爭
慕望之因知司馬之賢爲有自云公以司馬貴封而
父義叟亦累贈資政大夫兵部尚書母楊氏累贈夫
人公於是大喜曰吾子果酬吾志配許氏繼配楊氏
俱累贈夫人又繼黃氏男四長卽司馬名萬達許出
次七品散官萬紀楊出次太學生萬程黃出次萬達

世經堂集

卷十六

五

側室鄭氏出女五人長適鱣浦李其次適邑庠生鮑
浦陳其次適某次適某其一尙幼孫男三思俊思佐
思偉女七俱禾笄公生成化甲午某月某日詎其卒
享年七十有六卒之明年某月某日司馬葬公子某
山之原以中丞似菴郭公狀來請銘爲序而銘之銘
曰
祝融之墟厥有逸民不出戶庭而聲孔振歛厥賸餘
以昌後人嗚呼古有荀陳委祉自身我儀圖之非公
其孰與倫

贈戶部尚書南峯夏翁暨配郭夫人墓誌銘

嘉靖己酉秋今太宰松泉夏公以司徒之績上詔
改贈厯考贈方伯南峯翁爲戶部尚書母郭爲夫人
泣而言曰惟我考妣積德累行以大庇于我後之人
惟

聖天子寵褒小臣以上及其所自出則旣茂以加矣
而墓之石未刻其何以示永久乃以翰林檢討毛君
狀請予誌而銘之按狀翁諱彥策字士言其先世居
英山五代祖顯一元末避兵徙蜀之巴縣生子晉隆
孫朝佐再遷於涪遂爲涪州人朝佐生輔輔生友綸
娶于李生子彥肅繼娶熊氏生翁翁幼讀書已嶄然

世經堂集

卷十六

六

見頭角忽自念曰夫學者以學爲人子爲人弟也今
吾有親在菽水之奉可獨以累吾心遂棄去力耕爲
養視聲華利趨澹如也後熊夫人卒事繼母羅氏高
氏戚如夫人與彥肅同艱若干年以湫隘別築室江
之南盡舉先所遺田宅以讓友愛篤至白首無間言
涪之人曰翁真能爲人子爲人弟者太宰公之生翁
年三十餘矣然未嘗一日以愛廢教太宰遂以弱冠
領鄉薦繼登正德戊辰進士拜戶部主事于是時閹
人瑾專太宰於仕弗樂也翁曰自古有奸人竊政柄
而能久者乎未幾瑾果敗太宰自戶部改考功主事

忤時宰出爲兩淮運判翁手書律已馭吏愛民平賦
十餘事以戒太宰益奮勵政有異聲移守通州擢貴
州僉事提學位駸駸起翁顧愈挹損非公事不至城
府郡守貳或飾輿馬往迓時一會會已卽歸不爲私
干教諸子若孫必以禮讓涪之人又言曰翁固能爲
人父爲人兄者性簡默至與人接則油然無忤又喜
紓人急凡稱貸而貧者徃徃不責償其或以怨仇相
搆得翁數語輒解去蓋所孚於人者素云翁生景泰
三年七月二十九日卒於嘉靖九年九月十六日享
年七十九元配郭夫人同邑處士諱某之女端雅淑

世經堂集

卷十六

十七

靜善專其舅姑翁之初徙能自勤苦以裕其業太宰
公始知學佐翁教之方正婉曲得母道甚接遇尊卑
行輩咸有儀法然其要務在以慈故雖僕使終其身
不一見愠怒之色先翁五年卒壽七十五繼夫人胡
氏翁子三人長卽太宰邦謨次邦功次太學生邦問
女二人婿曰丁善林藻孫男十人棐樟太宰出棐以
廕補太學生果桀檠案架俱邦功出棐邦問出孫
女四人曾孫 人長潢郡弟子員餘尙幼太宰旣

以嘉靖十年十二月十九日合葬翁夫人於宅東園
之岡至是始徵銘志實有待予重翁夫婦賢又重太

宰公念其親不遺其君可謂忠孝是爲銘其詞曰
凡士用世不必其躬或代爲之功與已同矧翁夫人
太宰自出施于邦家孰非爾極

天子報功赫赫龍章太宰拜受曰予敢忘忘君非臣
忘親非子爰刻茲石以識厥始維

天子聖仁維太宰忠孝禮卿作銘子臣是詔豈惟潛
德之耀

明故興濟知縣劉君暨配王孺人墓誌銘

往年予如京師道出興濟其父老爲予言當建昌侯
時有張忱者怙勢恣睢令莫敢何問獨扶溝劉君拒

世經堂集

卷十六

十六

不與相接嘗以私請君裂其書擲之督治益急忱怒
思中君使其黨日夜伺君短長竟三年不得毫毛過
會君以母憂去忱勢復張興濟之氏日苦張氏虐泣
相語曰劉君庶幾其復來予聞賢君獨以不得其字
名爲憾後十年考功副郎劉子體乾以殿讀安陽郭
君狀請予銘其祖考若妣之墓於是知所謂劉君者
體乾祖也然以君之賢其官亦竟止興濟予噉吁悲
之而又幸君之有子孫以爲爲善者猶得恃以無恐
然則予於銘君固不得辭按狀君諱瑞字邦器其先
元處士伯亮生子原弼 明興原弼以貢仕爲刑部

主事生子讓讓生淵淵生憲君於憲爲次子補邑庠
弟子員亦以貢起拜浙江常山丞常山民富以喜訟
君於民能一無所取其縉紳或携金壺試君君爲指
天以誓名乃益彰而其民用是不畏令而畏丞督負
租捕有罪清理冤獄凡所欲爲無不如志者君又能
兵王浩八寇常山數與戰有功寇平遂令興濟其抗
忱說者謂與戰浩八用力等故得不敗君性直諒少
時鄉人有貴而驕者君絕不與遊乃所往來必慷慨
有氣節士人以是夙知君之不凡君生成化丙戌十
二月十六日卒正德己卯十月十六日年僅五十四

娶寧陽王氏居家善事姑在官能以節儉成君之清
白生成化丁亥二月六日卒嘉靖己酉三月二十四
日年八十三歲子男五東歲貢生采果訓科東昌平
知州女三嫁謝資張琬庠生李文煨孫男十五自修
選貢生自強嘉靖甲辰進士體乾名也自得自任俱
庠生自秀自存自樂自養自充自勵自警自觀自順
喜兒重喜孫女六曾孫男四繩武庠生成兒連兒大
武曾孫女七東與諸弟卜以庚戌 月 日合葬

君夫婦於邑南 村先人兆次而體乾舊嘗卒業國
子予爲師故以銘請銘曰

吁嗟乎今之人孰位卑而名永存孰拙于躬而昌其
子孫吾以是慰君夫婦於九原且俾來者式于茲墳
尚寶司司丞致仕洛原白君墓誌銘

洛原白君既卒踰月其子祠祭王事啓常奉吳太史
澤峯狀請予爲銘啓常娶於華亭而官於禮部且曰
尚寶君之治命也予不得辭按狀君諱悅字貞夫別
號洛原系出秦大夫乙丙宋末有諱季昇者由洛陽
徙晉陵國朝省晉陵入武進故白氏爲武進人季
昇若干傳至均禮均禮生思恭思恭生大治縣教諭
珂並贈光祿大夫柱國太子太保刑部尚書珂生刑

世經堂集

卷十六

十一

李

部尚書贈特進太保謚康敏諱昂康敏生都察院右
副都御史諱圻君於康敏爲孫於中丞爲冢子生三
年而康敏致政歸數指謂中丞曰繼我與汝者是兒
也及成童中丞遣從先正陽明王先生學先生字之
而贈以文所以器許之者甚厚正德丙子君旣冠矣
補邑庠弟子員應應天府鄉試不舉會中丞卒以廕
改國子生而北學于今光祿芹山陳公嘉靖壬午遂
舉順天府鄉試上疏請以弟怡補廕其後怡累官至
雲南廣西府知府壬辰舉進士授戶部陝西司主事
改禮部主客司歷陞員外郎郎中轉儀制司己亥冊

立 東宮禮成 賜白金若干兩羅衣一襲

上之南巡君以儀制充扈從尋改左春坊左司直學士翰林院檢討不得從繼君爲儀制者不奉 命不敢從法當奏請代君坐不奏請代出爲永平府通判踰年陞南京後軍都督府經歷南京吏部驗封司郎中乙巳復調外丁未通判河間府戊申陞戶部主事己酉改尙寶司司丞其秋啓常舉應天府鄉試明年舉進士人謂君連不得志於仕宦其末路當大亨且自今始而公遽遭疾辛亥三月陞江西按察司僉事病未能詣 闕謝會被論 詔仍以尙寶致其仕願

世經堂集

卷十六

五

謂啓常曰吾食祿二十年碌碌無補茲得奉骸骨以歸於吾願足矣急命治行而病已劇四月二十日竟卒距生弘治戊午十二月二十五日享年五十四君能爲古文歌詩行草小楷皆有法意興所到濡筆引紙往往屈其坐人故每見謂浮薄性又喜賓客延訪結納朝夕不暇而時名公鉅卿之好士者亦喜與君遊故又見謂奔競及旣病日閉門與客絕間有訪君榻前者君輒與論時務亶亶不置故又見謂矯抗其仕宦以是不達然君之心固未嘗一日不志於爲善也士生於世其仕止毀譽信有幸不幸哉配鄒氏累

贈宜人繼楊氏累封宜人子五長卽啓常次啓京府庠生次啓詹啓吳啓河女五長適宜興褚偉次適溧陽楊繼璋俱監生次受姑蘇皇甫林聘又次受太倉陸端復聘其一幼孫男二紹先紹元孫女一葬以卒之歲八月某日慕在芳茂山銘曰

予觀乎古之人其爲善也要無愧於其心故不計乎毀譽之紛紛其爲文也不苟求知於今故汲汲焉沒其身而力益勤芳茂之原青山白雲苟心之不瑕而後之有聞彼目前者奈何乎君

封宜人王母李氏墓誌銘

世經堂集

卷十六

五

嘉靖庚戌六月十九日鄉寧王子喪其母李宜人將以某月某日祔於厥考薊州公之墓走使三千里請予爲銘初王子與海鹽鄭子武進唐子及予三人者友也王子長身廣額昂昂如野鶴而其志行峻介嚴潔不可以不義動予三人者恒相與推服之其後爲文選郎善善惡惡直行無所顧禍且旦夕作而宜人適就養宦邸諸爲王子謀者度不能奪則懼之曰將若宜人何王子笑曰茲固吾母之所教也吾昔舉進士司刑蘇州吾母教之曰母驢負母殉名母謀爾之身而戕民之生吾實拜受焉及晉銓司吾母又教之

曰毋阿世毋蔽賢毋舍爾之學以辱其先吾又實拜
受焉今吾母方日夜咎吾教之弗克率而豈忻戚於
世之所慕畏也未幾王子果被逐布衣徒步奉宜人
歸而耕釣河汾之間宜人食麤茹淡其色充然若祿
於朝者當是時唐子已落職踰年鄭子亦與而予獨
幸存既竊以爲媿又念王子得竭力以事其母而先
淑人不逮於養未嘗不泫然悲也今年春聞宜人卒
方以書報鄭子於南寺報唐子於家謀爲文以弔而
王子以銘屬義不得辭宜人聞喜人父曰文繡仕爲
豐潤丞擇壻得薊州公遂以歸王氏凡生三子長培
齡次與齡次喬齡與齡者與其兄同舉嘉靖己丑進
士而予與三人友者也喬齡縣學生女三孫二長整
縣學生次敕宜人事父事姑以孝聞薊州公謁選都
下而姑卒其治喪事哀以有禮事薊州公於官前後
十五年更二劇地門以內事一不以累公而其成仲
子之節尤炳炳著白予是以銘其辭曰

華之津利之塗棄而歸視若無汾之稼河之魚食而
甘老不渝嗟宜人女丈夫彼儒頑空眉鬚刻銘文示

後模

封翰林院編修文林郎志梅林君墓誌銘

君諱鶴字九霄別號志梅陸姓其曰林者從其外氏也始君考馨翁娶於林凡生三子君最幼甫三月而孤母舅槎軒君屬其子浩子之其後槎軒父子相繼卒陸亦中落兩家之孤寡與其婚嫁喪葬之事皆仰給於君於是時君以孝義有聲於鄉著甚及君益長喜讀書能誦說古今言鏗鏗可聽又喜施與罄所有無吝色故君雖自處峻乃鄉之人莫敢望焉嘉靖辛丑子樹聲會試禮部第一遂舉進士改庶吉士授翰林編修封君如其官吳之俗縉紳父兄弟徃徃藉聲勢廣交接君獨不入城府郡大夫有終三年未及

識君者編修旣任則欲復其姓數踞以請君流涕曰汝他日自爲之吾不忍也編修重違君志不果今年春將舉翰林之有文行者授二王經予與大學士李公首以編修薦疏且上而編修得君書心動卽乞歸省予益賢之比至則君已卒君故有函常置案間疾革指而言曰吾所存惟是編修泣發之獨遺言一紙諄諄欲其子孫仕者爲良臣居者爲良民而已嗟乎人死乃見真性若君者其平生爲善豈有所矯飾耶君世居華亭曾祖諱某祖諱某考諱某字某鄉人稱之曰馨翁配沈氏先卒贈孺人子男三長樹芳次

卽編修次樹德鄉進士女二嫁奚日新張紹孫男三
壻國子生埜庠生元壽女六曾孫男二女四君生以
弘治庚戌三月十八日卒以嘉靖壬子四月六日享
年六十三卒之歲 月 日編修與其兄弟葬君葑
澳塘之原與沈孺人同壙而以學憲莫君狀來徵銘
銘曰

不知其生觀其死不知其身觀其子蓋古之論人而
吾之所以三歎而銘君者以此

北谿范君暨配顧孺人墓誌銘

范文正公有十五世孫曰啓擘字景輝少學書以孤

貧弗克竟自蘇來買華亭之泗涇于是時泗之賈人
以百數獨君被服言動儼然儒者泗之人咸愛敬君
君亦盡交其豪傑因家泗上而迎母沈孺人以居後
二十年君益有田宅又有子若孫子又已貴而君北
望陽山涕泣言曰吾先人之所廬也自號北谿以見
志歲數過蘇掃墓其春秋會祀文正祠下未嘗後期
日及配顧孺人卒謀葬事謂其子曰吾當從先人於
蘇卜地得吳之清流山遂以孺人葬君旣不忘其初
性又喜施予見族之貧者輒厚贈遺之其孤者載與
歸衣食之族人交賢君請主祠祀於是君聲聞兩郡

間嘉靖辛丑子惟一舉進士知鈞州踧請君就養君喜曰先文正監簿忠宣諸坐在洛中吾儻得灑掃其下於吾願良足至則走洛展墓畱書戒惟一以潔已勤民無忝先世策其馬徑歸兩郡之縉紳由此益賢君而惟一亦奉君教以廉能著名績今累遷廣東按察僉事君曾祖諱元瑛祖諱從江考諱汝信自元瑛以上世居長洲支礪山至汝信贅陽山之沈氏生君四年而卒故君念陽山不置君卒於嘉靖辛亥正月十六日距生成化辛丑四月十三日享年七十一配顧孺人性孝君每祭祀泣孺人亦輒泣沈孺人始來

華亭意頗不樂孺人孝養曲至久之顧益懽君育族之孤嫠率常數人孺人課紡績佐其費無倦色年四十七以嘉靖辛卯十二月十四日先君卒子男三長卽惟一次惟立次惟丕領丙午南畿鄉薦女四適朱祀陸有椿趙璠國子生馮文宗男二允升允謙女一予雅重君父子意其女必賢也聘爲吾兒琨婦僉憲將以壬子四月二十七日啓顧孺人壙葬君而請予銘予不得辭銘曰

家于松葬于蘇子從父妻從夫其藏孔安神則愉慶澤以衍吉永孚

明故光祿大夫太子太保吏部尚書贈少保

謚文襄唐公墓誌銘

嘉靖丙午夏六月太子太保吏部尚書唐公病弗能朝三上疏乞致仕

上方倚公重以爲忘國奪其官放歸七月十九日公輿出都門三十里卒于旅舍有司莫敢以聞後三年權祔觀山祖塋之側其明年子汝楫舉進士第一授翰林修撰又二年具疏明公不敢爲欺狀 詔復公官 賜祭葬贈少保謚文襄於是士大夫相與戴

上之仁明而幸公之有子且以識天道之存焉明年

世經堂集

卷十六

七

秋修撰將改葬公遂以狀請予爲銘納公之墓禮也按狀公諱龍字虞佐別號漁石系出堯之胄唐侯歷戰國秦漢晉隋仕者不絕而莒宋兩公前後開國於唐尤號貴盛唐末莒國裔孫仁恭避地餘杭後再徙蘭溪世以武功顯宋末始復業儒 明興公祖贈尚書思州公與其子贈尚書篁嶼公皆以文行爲鄉閭所推篁嶼公娶于鄭是生公公之在娠鄭夫人夢獅居門而向日及生日光正射蓐其貌儼然獅也人相與異而傳之稍長受業楓山章文懿公爲高第弟子弘治辛酉領鄉薦正德戊辰舉進士知郟城郟干時

荒甚公使民得貸粟於官而薄其息禁豪猾毋多賦
却羨餘之賂吏者以佐轉輸民用不困大盜起燕齊
間流劫至郟公督兵拒之斬首三百餘級賊怒合其
黨大至公發碗口長柄諸砲斃其驍銳六十餘人賊
乃遁以功陞俸二等丁篁嶼公憂服除拜監察御史
出按雲南上疏乞戒巡遊黜貴倖又數以法抗嬖臣
人爲公恐公笑曰吾職固然己卯寧庶人誅江西新
免於兵而歲荐饑公以選往按賑災卹貧疏連十餘
上西人以安嘉靖丙戌自陝西提學副使遷按察使
驛作徒數十人歲暮餓而遁有司當以越獄公悉縱

歸使自齋牒投郡縣輸雇直以免衆感泣輸無後期
民有誣其弟盜者獄旣具公佯執其妻訊之曰汝夫
與弟同盜法不得以先自言幸活妻懼以情告誣遂
白丁亥徵拜太僕卿尋擢僉都御史總督漕運條凡
兵民所不便大者奏聞小者立罷興利布惠若己與
有及召爲副都御史民爭繪像祀焉擢吏部右侍郎
轉左侍郎壬辰關中饑 詔發帑金以賑而 酋吉
囊數寇邊

天子爲之晏食遷兵部尚書兼右都御史總制三邊
軍務兼理賑濟公馳入關奏平糶節用等十事民賴

全活者二十餘萬人已乃簡戎伍筋器械明賞罰任
梁震王効劉文諸名將以師三萬耀武陰山 大驚
北徙六百里明年 犯鎮遠公督震効擊之斬首百
四十級甲午春 犯延綏時震方援大同公趨震還
而檄叅將任傑以兵出 後合擊俘獲五十餘人其
夏敗虜於嚮水斬首七十餘級秋吉囊自將十萬衆
犯安會公使文迎敵而伏兵其旁戰既合伏兵起乘
之 大敗遁歸至興武効邊擊敗之至乾溝鎮追擊
又敗之凡斬首四百五十有奇奪夷器無算兵部上
公功 詔賜金幣陞一子爲國子生丙申改刑部尚
書初大同卒叛都御史東平劉公帥師討之將盡誅
其黨卒懼爲飛語中劉公徵下獄公言大同凡三亂
輒戕其帥不一正法無以令天下而論者專務姑息
以冀苟安今罪源清邊人益得窺 朝指矣劉公於
是得釋劉東山與其徒乘時爲奸利至構間 兩宮
株連貴近吏坐獄不窮竟去者數十人公獨以抵法
無所憚

九廟成公條大禮大獄諸名臣以請得赦歸者二十
餘人當是時公風采聞天下而權貴多不悅戊戌夏
乞終養鄭夫人 詔報可公旣去名聲益彰臺諫薦

者章三十餘上甲辰秋 召爲南京刑部尚書以母
辭不允改南京吏部尚書會有邊警改兵部尚書鄭
夫人諭公曰茲所謂金革之事非汝將毋時也吾偕
汝行矣乙巳春奉夫人入都公故習邊事以爲 去
來若風雨而我收保恒後時故多亡失檄諸邊修城
堡遠斥堠 至持滿待之其秋 果不得入自頃年
來吏喜以文法繩邊將其跡弛雄傑之才往往獲罪
而柔佞乃幸全公請宥諸在繫者使立功以贖廢錮
者量其才用之士聞咸奮

太廟成加太子太保冬十月太宰缺廷推首屬公

世經堂集

卷六

三

上方重兵事顧銓衡非公不可疏畱中一日竟改吏
部公爲政兼諭資望殊 勞異能疎遠必援而中才不
得越次以進其有所用 會聚僚屬共謀之衆議合然
後署疏以請嘗舉廢棄四十人皆時譽也雖不果用
正論爲伸居數月公病足又數與執政議不合於是
毅然求去馴至奪職以卒縉紳悲之公性坦易與人
處畢露肝膈而其意氣激昂慷慨見者盡傾尤好獎
拔後進士多賴以知名今中丞平涼趙公其一也素
善屬文當其得意時長篇短章操觚立就莫不婉麗
暢達或戲爲奇深文難字至不可讀然終不詭於理

所著易經大旨若干卷漁石集若干卷雲南江西督
府總督奏議各若干卷傳於世公生成化丁酉六月
二日享年七十配徐繼劉俱一品夫人子男七長汝
器國子生次修撰次汝舟舉人次汝梅汝渭汝豐皆
邑庠生最少汝淮女一適監生朱朝尹孫男十二廷
俊廷佐皆官生廷佑廷儀廷仕廷傳廷儲廷偉廷修
廷僖廷侍廷僕女三公既以文武才有盛名而予嘗
偕宛洛韓公以吏部侍郎與公同事修撰及其兄弟
又多出于門者故為銘銘曰

惟士於才古難其兼孰文且武為時具瞻偉哉唐公

世經堂集

卷十六

三

魁顏鉅鼻學恥一長高步遠視揮毫藝苑捷若雲飛
聚為犀玉散為珠璣運謀戎幄奇若神相陰陽翕張
風霆震盪出總制聞入長卿垣英髦宿將藹其在門
始殞于途縉紳胥悼 聖聽繼回卹典有耀贈官少
保三孤之崇易名文襄焯賢象功吁嗟公身歿受多
祉惟 皇仁明惟公有子世美必濟 王恩必酬公
多子孫尚慎厥修

明故巡撫河南都察院右僉都御史篋齋陸

公墓誌銘

昔在甲辰湖南饑中丞陸公瑯時守岳州盡發倉庫

之儲躬省視其民月一賑之凡活數十萬人御史以聞吏部言于

上曰古者守令能舉其職則有增秩賜金仰惟

皇上愛養元元德意甚厚而有司惰偷鮮或以佐民爲急今臣瑯獨克奉明詔多所全活宜有顯擢以

勸來者詔報可徵拜公太僕少卿加御史俸一等於是天下益曉然知

上意所向爭以治行自見而其後激勸之典曠焉莫行吏得有所藉口復怠以肆論政者喟焉公舉嘉靖丙戌進士其始讀書則恥爲章句嘗曰人心與事物

不相離舍事物而徒求諸心者禪學也逐事物而不求諸心者俗學也至其自檢尤篤行誼重氣節毅然以古人爲期故其歷官於職事必竭其力而凡厨傳書疏問候起居繁文縟節世所藉以利其身圖者一切以爲不足務其爲南京刑部主事嘗有所平反與大理丞議不合白尚書具疏以請詔竟從公遷員

外郎郎中丁父憂服除鄉人有欲引公者拒不應改刑部郎中尋乞改南京武庫郎中武庫掌諸司隸直率名取羨餘供費而陰爲奸私公獨於緘識未嘗啓視廉聲流聞遷知常德以能治繁徙武昌尋徙岳其

自岳入佐太僕去養馬之不便者若干事自太僕爲南京鴻臚卿遷南京光祿卿與內豎約毋過取文辯意懇宿蠹爲除河南吏懦而民貧宗室索常祿不得則相聚叫呼數走闕下自訴會巡撫缺

上曰是宜得廉而肯任事者庶其有濟詔公以右僉都御史往撫公冒暑雨疾行遂病旣入汴病有加歎曰吾縱不能效犬馬力上報

天子其又可曠常職遂乞致其事歸三月告終庚戌十一月十七日也距生弘治丁巳十二月二十五日得年五十五縉紳惜之公字秀卿別號篋齋其先頴

人七世祖勝二當元之末避亂徙嘉善傳至玄孫耘以義旌門於是始稱大家耘生畦畦生贈刑部郎中鷗娶於陶生公公初娶亦陶氏贈安人再贈宜人繼娶胡氏封安人再封宜人子男二長敷錫國子生次中錫女二適同邑沈炯吳江丘棟俱庠生孫男一繼淵女一公能文所著有詩輯傳習錄辯疑及古文詩賦若干篇其歷官所至有遺愛集若干卷敷錫皆將銀梓以傳予往與公同領應天鄉薦公之召拜太僕予實左吏部爲侍郎而中錫娶於吾友少叅顧左山氏遂以左山狀來徵銘銘曰

學爲已仕爲人偉哉公孰與倫業未究不永年嗟哉公誰使然我刻銘垂不朽猗哉公亨以壽

封奉直大夫刑部員外郎真菴王翁暨配張
宜人墓誌銘

太守王君綬將奉其父封刑部員外郎真菴翁母張宜人之柩返葬于上海詣予泣以言曰吾父少孤育于其女兄及長走京師謂貴宦可指取有不幸無所遇恥不肯歸會吾外祖張翁家京師因娶而留焉于是時無尺寸之地可仰藉獨與吾母朝夕食其力已乃遊齊魯河洛之間冒寒暑風雨波濤之險者二十

世經堂集

卷十六

三

年始克有家綬之當就傳也吾父授以易使學于光祿卿惕菴崔公洗馬九川滕公幸而能文詞正德癸酉幸錄於北畿之試吾父又謂於金紫可且夕得而綬不幸凡七試不獲中進士選以副吾父之望綬者綬竊痛吾父生而其志不獲伸也吾父之卒也命綬曰必返葬綬不敢違焉然自京師抵上海跋涉四千里歷三月乃克至又必數月乃克卜地以襄事綬又痛吾父吾母沒而不克遽卽於安也維吾父性惇篤重信義家雖貧喜賙人之急親舊之婚喪往往待吾父以舉丹陽褚十六盜官錢逮繫吾父憐而貸與之

得不瘦死後十六不克償遂焚其券吾母勤儉慧敏
凡家之事豐儉厚薄能如吾父意所欲出中外以爲
賢今吾父生不獲伸其志歿不克與吾母遽卽於安
而其一二善行紱又不能假重名公卿託諸金石以
使有聞於後則吾父母將不瞑於九泉而紱之不孝
彌大也敢以銘累執事予聞而悲之念昔在翰林與
故大學士龍湖張公數過君君出所爲文爲予兩人
讀之聲琅琅可聽予兩人者亦甚奇君而君竟不舉
進士其自謂不幸誠然然則凡所云皆可信也爲誌
其事而系以銘翁諱明字景昭世爲上海人生天順

世經堂集

卷十六

三

乙卯四月四日卒嘉靖乙巳十二月廿二日年八十
七宜人之先姑蘇人生成化庚寅十一月廿三日卒
嘉靖己酉正月七日年八十子一卽紱自刑部司務
歷員外郎郎中出守平涼以抗直不合於時而歸孫
男五長體元次體健順天府學生蚤卒次體順順天
府學廩膳生又次體謙體信皆治舉子業孫女四長
適錦衣總旗韋槐次適戶部主事崔學履餘尙幼孫
男七喬年彭年堯年舜年禹年臯年夔年女五其墓
在某山之陽葬以其年某月某日銘曰

狐則守丘鳥則懷枝矧伊人耶其鄉之弗思千里雖

遠覓無不之苟遺言之弗違尙永安於茲

封孺人顧母李氏墓誌銘

孺人李姓其先宋荊州刺史邦當高宗時來居嘉定之西芟涇繼徙江灣歷元入國朝子孫日蕃以大號江灣李氏弘治間有爲太學生諱鎬者謁選得邳州判官自計不能與世俯仰棄而歸鄉人稱其賢鎬子海娶上海董氏生孺人三歲知推遜其兄七歲習女紅傳不煩兩邑之大姓爭欲得以爲婦而董諸父大理少卿恬與廣南太守上海草堂顧公爲通家因以孺人歸廣南之孫今御醫君定芳始至顧之內外

世經堂集

卷十六

三六

清

親莫不謂有禮居數月又莫不謂新婦孝敬其僮僕婢使又莫不謂於我有恩未幾廣南父子相繼卒御醫君方遊太學恂恂爲儒生鄉人多肆侮者君日夜就有司求直乃家政悉屬孺人會姑陸孺人數病目而君弟光祿署丞某與族之孤遺先後當嫁娶孺人躬儉素課耕織連晝夜不懈用克外佐御醫君之費而內以治藥餌具衣服酒漿供婚事之百須卒不墜其家御醫君多讀書善談當世之務海內大夫士咸樂與遊其餽問慶弔走使於四方自牲醴幣帛以及果蔬修脯謀諸孺人無問多寡無不給足後君直聖

濟子中書舍人從禮供事內閣地清而俸薄孺人歲時致米帛寓書曰勉事

明主母內顧御醫君父子賴是能久於京師嘉靖乙巳從禮以三載考績 詔賜孺人封明年子從仁病孺人憂之甚瘍發於左乳越五年辛亥七月廿八日卒距生弘治壬子十月十六日享年六十子男六長卽從禮次從德國子生次從仁先卒次從義中書舍人出繼其叔光祿次從孝從敬俱庠生女五長適國子生唐贊次受國子生張之臣聘未嫁而卒次適李賓陽夫婦皆先卒次適凌景賢又次適沈紹伊皆宦世經堂集

卷十六

七

族孫男五九疇九敘九錫九華九 孫女六長適邑庠生唐國柱次適府庠生張雲門次許嫁馮允達餘尙幼從禮以父命十癸丑十二月 日葬孺人邑西肇嘉浜之原先事奉母舅李郡博士龍狀請予銘墓予獲交顧氏父子間而予女許嫁從禮之子九錫不得辭乃銘曰

既孝以仁又儉以勤厥德之良劬于其身以貽後人惟澤之長子孫振振簪笏繩繩乃報之常刻文貞珉彌文弗湮倚後之光

封刑部主事柳溪劉君墓誌銘

君裔劉氏諱鏗字大淵御史崑之父也嘉靖乙巳秋天子作九廟成覃恩中外時御史爲刑部主事封君如其官君素高不樂隨俗俯仰及歲晚益思與人事絕營別墅於城之南鑿池其中植柳環之而日詠遊其下因自號柳溪云君世家廬之無爲州曾祖清仕爲嘉興同知以廉稱祖克恭父琛連再世不仕宦而琛善治生至君喟然曰富在行其德財不足多聚也數推所有撫其兄之孤岑又及其貧交疏昆弟莫不給足歲侵有司檄君賑饑明覈詳慎凡活數千人其以私財賑者不在是然君於自奉儉食未嘗具重肉

其教諸子亦恒以儉爲先曰清苦乃吾儒分內事若王沂公志不在溫飽真汝輩師也故諸子皆以修謹著而御史居臺中尤有聲自舉進士至於今貴十年矣乃其家無所增於舊君生成化丙午七月一日卒嘉靖辛亥三月十三日得壽六十六配林氏封安人子男四長峯淮府引禮次卽御史次徽郡庠生先卒次嵩國子生女一適郭均孫男七長汝均郡庠生次汝達汝基汝莊汝孝汝夔汝勤孫女一許嫁萬燮君卒之前一歲御史以使還便道省覲將留侍君會報犯京師君遽謂御史曰國方多事汝其行矣御史

遂趨赴闕至則已退居五月君計聞於是侍御
自痛恨哭幾不能生嗟乎君可謂知爲臣御史可謂
知爲子矣君葬以其年某月某日墓在某處予雅善
御史乃以其同官阮君狀爲之銘曰

柳之風穆然以清維君之名溪之水淵然以積維君
之澤倚風水兮相遭波成文兮浪增高君之家兮多
孫子流無窮兮聲日起

友松胡翁墓誌銘

友松胡翁名某字某今翰林編修懋中之父也胡氏
故居六合國朝洪武初有諱名乙者以戎籍隸密

世經堂集

卷十六

三

亥

雲生子敬永樂初敬從

文皇帝靖內難有功陞東勝左衛正千戶生子海海
生琛琛生興調山東威海衛而琛弟鏞復以官餘改
隸南京鷹揚衛生子徹徹娶於孫生翁故今爲南京
人翁生九年而孤稍長盡以產讓其諸父而獨奉母
以居泊然若有以自樂及旣壯念無以爲養則遂歎
曰丈夫能株守一室務硜硜以儉其親耶偕弟瑛徧
遊江湖間身勤苦儉約與賈人最下者等而積累贏
利歸以養其母凡廿旨溫煖之奉不求而且母大樂

瑛性豪至或不喜就檢束翁乃益崇退讓恂恂如孺

生久之瑛更爲雅飭瑛客死歸其喪厚葬之撫其孤
娶恩義備至南京故士大夫所聚于是時翁孝友聞
四方諸士大夫莫不折節願與之交也翁年五十六
始生編修喜曰必此子亢吾宗者編修當就傅則又
歎曰幸有子可教寧容沒於利不自知止足如世俗
賈人之爲卽以貲屬其僕而日課編修學後二十三
年編修領嘉靖壬子鄉薦明年舉進士改庶吉士又
二年授今官 命下十有六日而翁卒蓋翁雖不獲
享編修之養然及見其取科第以文學侍從

天子出入玉堂金馬之間於所謂亢宗之望可謂不
負矣豈翁孝友之行鬼神固有以相之歟翁生成化

世經堂集

卷十六

罕

左

甲午十一月十九日卒嘉靖乙卯十二月二十二日
享年八十二初娶陳氏繼李氏丁氏又繼熊氏子男
一汝嘉是爲編修懋中其字也熊出女二長陳出嫁
龍江指揮張弛其次李出嫁陳瑤孫男一宗舜編修
十以某年某月某日葬翁某山之原奉侍講邢君狀
來徵銘編修予會試所舉士不得辭銘曰

徂徠有松焉獨立乎山之崖水之隈而庥者莫不樂
其廕過者莫不稱其材倚嗟胡翁植德不回本實是
培發聞厥躬委祉方來其斯所以爲松之友而世州

與信翁之自稱者哉

贈監察御史時齋馮公暨配吳孺人合葬墓誌銘

馮君子仁爲南臺侍御抗疏論時政語侵權貴人君子以爲忠而權貴人構之逮繫詔獄議殊死賴

天子明聖得從末減謫戍雷州後三年放歸葺堂以奉其母封太孺人吳而因誦其父贈御史時齋公之所以爲教者請名于予予辱交於君久爲取制詞之意名之曰忠訓迄今十有三年太孺人亦卒君以友人鄉進士朱君狀請予銘其父母之藏予因得考

世經堂集

卷十六

五

見其教益詳乃次序其事而系之以銘時齋公諱某字惟中居華亭之北圩塘家故貧儒也生若干年喪其父會歲大饑米斗百錢公日負米百里外以養祖母浦及母胡曰小孝用力吾所以行吾孝者當如是祖母沒鬻其居以奉葬事遂徙楓溪力耕以養母而大書壁間曰丈夫廉節自勵乃能窮不失義故公雖貧其於人未嘗有所俯仰至貧益甚節乃益堅鄉人高之庶弟遠嘗與公同舟而溺公解衣投水援之或呼曰有祟勿投也公亟投弗克援哭嘔血數升病數月始愈後十年竟以嘔血卒太孺人年十八歸公逮

事二姑祖姑瀕死曰小新婦孝愛願天爲生好孫以報德公之居楓溪太孺人躬織紉佐公連晝夜不怠用能成公之節侍御君生公數抱持語人曰此兒當充吾宗少長輒訓以居官之事書忠孝廉節四大字貽之公卒時君年纔弱冠所以教養之以底成立咸出太孺人及在繫太孺人詣闕上書請以身贖留京師三年君得釋士大夫爲賦貞慈詩君當赴雷太孺人泣謂曰雷雖遠然衆皆欲汝殺

上獨憐而活汝

聖恩不可忘也蓋公與太孺人所

以教君如此宜君所樹立卓然異於人歟公生某年

月日卒於某年月日享年五十五太孺人生某年月日卒於某年月日享年九十五合葬某鄉某原馮氏世居雲間鄉國初以著姓戍滇南至公祖仲文始改京衛徙居北圩塘以授徒爲業生子海則公父也海性至孝母浦寢疾累月叩北斗求代者無虛夜母幸瘥而身以勞斃里人私謚曰苦孝先生公三子長卽侍御君名恩子仁其字太孺人出次惠次憲俱庶出女三人嫁莊華庠生陸府鍾鳳孫男十一長行可領應天鄉薦年十二陸馳數千里從太孺人於京刺血爲疏乞代父死天下聞而偉之次際可達可學可再

可輔可皆太學生繼可庠生衍可時可曾可庶可尚
幼孫女六人已嫁者三壻曰朱星馬汴顧大化星汴
皆太學生曾孫男女各四人惟馮氏有侍御君父子
能世其德而孫曾之盛又如此嗚呼公夫婦之食報
於茲爲盛矣銘曰

德必有基慶必有源矧其再世忠孝之門猗嗟馮公
夫夫婦婦以教于家父父母母視厥子孫載用爾思
訓于無疆刻此銘辭

封太安人莫母朱氏墓誌銘

貴州學憲莫君如忠卜以嘉靖乙卯 月 日啓厥

考贈儀制主事省軒公墓祔葬其母太安人而奉太
史林君狀請予銘太安人姓朱氏世家松江之華亭
父諱昂舉弘治壬戌進士拜御史遷廣東按察僉事
生女四人太安人其長也年十六擇壻得儀制館于
家會舅東昌通判一軒公卒從儀制歸執喪無違禮
喪畢復依朱氏以居尋喪其姑太安人曰贅壻非古
也劔舅姑之祀在遂歸於莫然是時東昌無厚產遺
子孫而儀制方讀書不暇省家人作業太安人甘儉
約力勤苦以資儀制正德癸酉儀制舉於鄉莫內外
咸曰太安人之助也學憲君幼僉憲數捐其頂謂

太安人曰是兒當吾宅相好育之太安人固奇其子及聞僉憲言益自信凡所以教學憲與禮其師友者無不備至學憲由是舉進士高等以文章稱學憲初官南虞部奉太安人以俱已分署真州卽又奉如真州踰年丁儀制憂服除當赴銓曹徘徊不忍別太安人以義迫遣之至則改儀制主事秩滿詔授太安人今封又明年學憲居京師五年矣會聞太安人有念已言遽請告歸令制予告有期限不得越因奉如京師而太安人不習其水土數病臥學憲時爲祠祭郎中泣語其友曰吾少以多病累吾母病每劇母

輒籲天祈以身代雖至成立母視吾猶兒時飲食必親視出則候僕踵至歸稍踰期輒爲筮安否故忠平生不敢遠遊而羈宦數年自非奉母俱母無旬日不哭經月不病者母今病於此吾豈可以終累吾母哉遂請外得令官冀便母養而貴州道險遠不能奉與俱留數月以太安人命勉就道至漢陽心動上疏乞致仕詞甚懇

上憐而許之抵家治醫藥在燠寒寢食之節者兩年太安人乃卒嗚呼學憲庶幾得盡其孝於其母矣太安人性醇確好施予賙卹貧乏囊至無留錢有宦邸

恒勗子以清曰雖奉養菲甚心顧樂之嘗命子如信後其伯知費縣北溪君北溪旣得子卽召以歸田宅粟帛毫髮無所受其知理道又如此生弘治庚戌九月二十七日卒嘉靖甲寅三月二日享年六十五子男四長如忠是爲學憲次如信國子生次如德國子生側室吳出次如爵生員側室陸出女二長嫁王諤次側室唐出受凌 聘孫男十人是龍生員次是驥餘尚幼學憲受業予友荆川唐子之門而予在禮部學憲實爲祠祭於其出處之際相知深焉故爲銘太安人其詞曰

世經堂集

卷十六

四十五

禮載內則詩歌女士婦職相夫母實成子嗟太安人備德與儀以正爲順以訓爲慈教行于家澤流厥嗣稽經作銘來者所視

明故巡撫雲南右副都御史瀉陽周公墓誌

銘

曩予在經局日從東郭鄒子荆川唐子念菴羅子相與切磋於身心之學于時士大夫之賢者大率辱與予四人遊若瀉陽周公其一也公爲人養深而守定視其貌蕭然懦且怯及與之言閭閻僣僣乃漸發露至於臨事雖死生在前終不可屈蓋孔子所稱仁

者之勇也當是時朋類莫不推公賢以爲公他日在廟堂必能爲國家定大議鎮雅俗使海內獲覩正人君子之作用庶幾以明講學者不盡爲空言公亦勇自任毅然不撓人乃日覺其異自禮科都給事中出爲陝西右叅政遷福建按察使四川右布政使轉左使徊翔藩臬者十有二年始遷都察院右副都御史巡撫雲南公於內拜最遲得地又最遠士或爲公不平或爲公喜以爲忌公者終不能以其私廢輿論之公終當有以慰昔之所屬望者而公蒞鎮旬日遽遭外艱歸其廬四月以過毀得疾遽卒嗟乎其命也耶

世經堂集

卷十六

巽

其抑有忌之於冥冥之中者耶公生正德丁卯十二月六日卒嘉靖丙辰五月二十六日得壽僅五十無子以兄之子耀承後年十有二予往年讀太史公所傳伯夷傳心竊病其怨誅之甚於中道未爲合及今觀於世享富貴久長者其人率如彼而公於位於壽於子孫獨如此然則太史公之怨誅亦其情宜然也公卒後數月耀承具疏請卹典格於例得 賜祭一壇及葬費之半於是耀承以公遺言請予銘墓予固悲公者不得辭公長沙寧鄉人諱采字子亮瀉陽其號舉嘉靖壬辰進士授中書舍人選吏科給事中再

遷至吏科左給事中充會試同考試官遷禮科都給事中補外歷官所至交薦胡御史彥嘗疏于朝曰居然大雅卓爾不羣論者以爲知人曾祖添裕祖鎮以公貴贈通奉大夫四川左布政使父策領湖廣鄉薦知貴縣有聲封文林郎中書舍人再封左布政使母唐氏贈夫人配某氏繼劉氏贈封皆夫人女一劉夫人出耀承幼不能悉知其父事故予於其政亦不得詳姑以曩昔之知公者誌而銘之其詞曰

吁嗟溽陽埋骨于茲誰實生之又誰尼之吾悲者時

明故陝西叅議春谷潘君墓誌銘

世經堂集

卷十六

碑

金

嘉靖丁巳正月八日陝西叅議春谷潘君卒年四十四有四君自幼以才顯名年十九登進士第授大理評事當是時朝多賢士大夫文章政事各以所長相高而其篤志好古者則又相聚以講良知之學視文與政以爲不屑爲而彼亦詆此以爲僞勢幾不相容君盡遊其間論雄詞辯莫可窮詰諸前輩相視以得君爲重於是君名益聞然忘者亦益衆毋諸司有所建白其詞稍不襲故常輒譁曰春谷筆也出之陝西踰年以前大理罷官其祿食僅九年年二十八耳君旣罷論者咸謂處君太過君亦痛自懲思盡屏去華藻

以就精實士大夫乃更賢君凡持節蒞晉者文章以
薦竟格於例不果用嗚呼若君者其信可謂生之難
而毀之易矣昔歲己亥予與東郭鄒子荆川唐子念
菴羅子同被召爲宮僚獲徧交一時之名士而君與
焉其冬君入關明年予以憂去三子亦相繼罷黜今
予幸登朝而三子者猶未召君又已作土中人予安
得無惻然於中也君諱高字子抑春谷其號先世居
廬之合肥國初有諱興者從

皇祖起淮泗拜山西寧化所副千戶遂爲寧化人興
孫銘以功遷正千戶銘孫璟生五年而孤其母節婦

施鞠育之旣長能其官數考軍政第一君考也君方
姪時母王孺人夢蛟入懷寤而生故君才與貌奇偉
豁達皆若皎然措諸施爲排難解紛濟艱應猝人所
不足處之有餘乃其在陝西釋繫囚均賦役搏擊賊
吏禁戢豪宗特其可見之淺淺者而位與年皆止於
此命也配王氏太宰恭襄公之孫後府都事內泉君
之女恭襄擇而嫁焉生子二長雲祥郡庠生次雲程
尙幼女二長適高憲副東庄子生員一麟次許嫁孫
先祿返泉子訓雲祥卜以其年某月某日葬君自爲
狀奉東庄書而介返泉請予銘墓予旣雅知君又嘗

與東庄同官於浙與汲泉同朝且重雲祥能汲汲於
表揚其親也為之銘曰

蛟神物也或乘風雷變化騰凌或蟄于淵寂若無能
蛟有異耶視其所憑嗚呼士等才耳違則泉淪遇乃
雲升雖賢哲其奈何吾是以三歎於君夢之無徵

明故廣東按察司僉事進階奉政大夫竹溪

先生黃公墓誌銘

嘉靖某年月日竹溪先生黃公卒于家距生某年月
日享年八十其子南京光祿卿養蒙以少宗伯康公
狀來問銘予固與公同舉嘉靖癸未進士公之以僉

憲歸也予每追服其才而太息於其用之未究及見
光祿君舉進士官吏部歛然起為名卿方幸有以慰
公於林下顧未幾而公卒予復喟然惜焉思所以致
其情於公而無由也銘其可辭按狀公諱澄字廷肅
別號竹溪其先大興人也七世祖真仕元為泉之南
安令因家南安故今為南安人祖彝父德平以公貴
贈刑部員外郎公釋褐為行人 國家之制科道缺
員則以行人選授而諸行人亦莫不冀為科道以得
不得為憂喜乃公為行人獨辭不預選遂由司副遷
刑部員外郎當是時咸謂公恬退人耳未必解吏事

乃公為刑部劾又精法比善讞決以廉直著聲居五年出為廣東按察僉事飭兵鎮西會猺劫高州朝議用兵剿之人謂公雖解吏治未必知兵乃公劾又曉習兵法所攻無堅破賊巢十有三斬首千一百餘級歸被生口八百餘人獲馬牛器械無算督府以狀詔賜白金文綺公所轄高肇二府民居生熟之徭相半徃時生徭禁不得出市魚鹽諸賈人亦不許入公曰魚鹽彼所賴以生也如是其能行乎於是令賈人得通魚鹽諸峒中而獨禁徭毋擅出其熟徭或時至庭下獻茶密為壽必厚以魚鹽償之溢其望

以故諸程咸德公終其官無為患者然公故峭直不能媵阿媚人在刑部嘗以執法卻貴璫之請及是奉職守官多與上下忤乃歎曰吾不能瓦合於世也胡矣竹溪之上吾足自老焉尚何所戀慕哉即日棄其官歸與朋舊為詩酒會暇則課僮奴治稼園時自荷長鑣雜作其間人不知為貴人也公嘗以父不逮養歲時祭祀必極豐潔曰祭之豐以補養之薄也諸父有以部運覆沒者縣官督償甚急公為輸其半又撫其孤其孝友大節如此初南安詩失傳獨公治毛詩以其學講授里中及公成進士光祿君繼魁天下其

門入轉相授受由是詩學始盛相與稱黃氏詩予家
素業詩先叔父進士府君尤號有深造予嘗叩公卽
予家所傳固無以過也公既老以子貴進階奉政大
夫配李氏有賢行是生光祿君先公四十四年卒贈
安人繼贈宜人側室孫生子養道吳生子養新女八
人嫁李天佑訓術傅佑生員蘇棟傅勳者俱宜人出
嫁史國賓解元章日闇生員李日新者俱孫出嫁生
員張文詔者側室趙出孫男五人某某某某女三
人光祿君以其年月日奉公葬許坂山之原與李宜
人同壙禮也銘曰

世經堂集

卷十

五

學以獨得蔚爲士師仕以獨行卒厄於時嗟是二者
伊誰之爲將詘於身而子是貽吾不能知銘以俟之

